

保定府志

第十四冊

卷三十六至三十八

壇廟

倉廩

養濟院留養局諸事附

保定府志卷三十末

工政略二 壇廟

壇廟一 清苑 野 滿城 安肅 定興 新城 唐縣 博

保定府 清苑 縣 附郭

社稷壇在府城西北 舊志 雍正十年知縣徐德泰重修 雍正通志

風雲雷雨山川壇在府城南關外 舊志 雍正十年知縣徐德泰重

修 雍正通志

先農壇在府城東關外 雍正九年知縣徐德泰建 同上

厲壇在府城北關外 舊志

城隍廟在府治北 舊志 明洪武三年重建嘉靖中重修 據碑補記

國朝乾隆二十四年奉

勅修有

御書額聯

壇廟祀典

明黎純城隍廟記略為國者築城濬隍慎固封守易云王
公設險以守其國禮云城郭溝池以為固皆此道也然天
地間有是實理則有是實氣理乘氣行體物不遺故城隍
所在有神主焉惟保定自後晉割屬契丹至宋析白溝以
北界遼淪入夷狄者四百餘年我太祖高皇帝混一天下
保定始復為中原金世保州治滿城元太祖十四年張柔
取之二十二年柔以滿城地隘徙治於茲是為保定路當
南北之衝刻荆榛立市井作燕南一大都會於是開闢城
池始建城隍廟以主祀事歷百四十五年而值元終運廟
燬於兵國朝改路為府洪武三年重新廟祀迄今又百八
年矣初江夏劉侯以鄉薦亞元來守保定敬神恤民恩澤
逮下未幾而改除真定侯既滿壑請於朝陞知保定府侯
來平徭簡賦陶以仁惠抑強起弱肅以義威不數年官府
第宅壇壝學校備加葺理惟茲城隍廟未復舊規深懼闕
典於是節縮公帑捐舍俸資鳩工掄材倣京師之制據其
中址增正廳五間而分列左右二司之神祠乃擁其後建
寢室啟其前豎儀門各為三間兩接廳東西轉角南下各
十五間廳之前有碑亭載各褒封勅旨蓋府衛之官主陽
禮樂行至道備城隍之神主陰鬼神安氣化全今高城深
池神寔司之遭逢聖明獲遇賢諸侯冠裳爾形容堂宇爾
家室劍佩爾左右卒伍凡新官抵任必先祇謁定誓乃敢
行事每舉祀禮移牒文而歲時有祭滂旱疾災有禱皆敬

神也可不思盡其責乎維時軍民咸來聽

順遵行職業罔敢怠遂書以刻於貞珉

方觀承重修保定府城隍廟碑古者天子有太社諸侯有

國社皆為百姓而立自郡縣設而社以外概稱官社則但

有大夫以下之設而已至唐乃祀城隍之神宋加封號始

列朝典於以事神治人準諸國社制斯古矣直隸拱護

神京為九畿之冠保之地當省會有肇域四海之義焉郡城

北門之西舊有城隍廟與風神火神二廟相接規模宏敞

每歲恭逢

萬壽慶辰嵩釐壇頌是集其若月吉有義祺禳有事致其明禋

傾矚攸繫而乃積閱歲華漸就頽圯爰於乾隆己卯疏請

廓新黃奏

諭旨頒給帑金數逾鉅萬遂以是年四月草圖練日程材飭工

厥初經營棟隆叶吉復增修入蜡馬神土地等廟羣祀咸

秩百廢具興越明年八月以工竣聞蒙

御書聯額奎畫龍文昭曜乎重巒層翠又明年

聖駕西幸五臺蹕路所經停

鑾入廟行三拜禮古稱聖王成民而致力於神協和人神典

莫盛於此矣比年來有祭而歆有禱而格兩場時若百穀

用成而四方商賈駢坐輻湊貨別隧分攜拊沓至閭閻之

問游泳和氣熙熙愉愉以樂乎太平神之降康豈偶然哉

昔唐開元親祀睢上詞屬儒臣宋建整旅潞州禮惟遣告

至如李陽冰縉雲之建置錢武肅鎮東之著撰較斯殷隆

抑同螢燭緬維周頌載芟所以祈也良耜所以報也匪今

斯今以似以續既應靈貺敢忘嘉徵謹述事
紀年刻於麗牲之石乾隆二十六年八月

關帝廟府城凡五其一在府城南門內府學東雍正五年奉

勅建春秋致祭如儀雍正通志

文昌宮在府學東本大甯都司學舊基後改建廟前為魁星閣

壇廟祀典一在東南城上明知府杜潛建一在府城北關明萬曆四

十五年建

國朝康熙十年郡人高景重修舊志按後二條名稱文昌閣

明邢雲路杜郡伯創建文昌閣記略吾郡當三輔之奧九
達之衝井里沓輳人文交萃昔所謂黃金臺來四方賢士
者振古若茲匪今自今已學宮之左佳氣蘊隆發地成形
宜成傑閣先是郡伯李公倡為之未竟也學博張君甫至
方園率諸生共輸資以畢厥緒幸今郡伯杜公下車即首
文教乃進諸士曰知變化者其神之為乎有無交暢道乃
大滿粵稽文昌在天為宿居天樞之前內階之左尊臨紫
極厥神在焉儒教桂籍神實隸之以崇茲祀斯文可忽哉
乃相彼高堵爰尊神居迹舊所基崇斯新構捐貲千緡以
為下倡材不俟令而疾課無勞促而就無論在位薦紳暨

鄰邦賢士大夫各捐所有而經營子來如齊民張氏子輩亦爭施金所謂好義終事者非耶於是連薨飛虹高標倚空華厦崢嶸殊形峻狀崇冠百雉傍壓萬井其中乃飾丹縵金碧肅神宮陳俎豆廟貌靜密惟神樂康天人交叶靈應祥福善矣哉眞氣業之傑出信美之宏規也若夫助義贊勛共成厥美諸君子咸有力焉則勒諸碑之陰杜郡伯諱潛號見歎庚辰進

士山東高唐州人

明邢雲路北關文昌閣記略上各郡北郭創建文昌帝君宮成諸士屬余記余考天文志文昌宮六星爲天之六府隸紫微垣在北斗魁前故曰魁斗戴筐文者精所聚也主集記天道一曰上將大將軍建威武二曰次將尙書正左右三曰貴相太常理文緒四曰司祿司中賞功進爵五曰司命太史主災咎六曰司寇大理主佐理斯爲星聯之上位至綦重矣未聞有帝君之說也帝君之說載在道藏經其事有無固未可盡信大都皆神異之說也夫旣曰神雖孔子慎不語余則何敢知然不可知者神所可知者理也觀神之自述曰余教人先正其心爲子使孝爲臣使忠兄弟友恭夫婦和順居上待下以情治事處心以公立仁義於詩書之圃策忠孝於廉靜之鄉共躋仁壽同樂太平否則恭行天罰雖悔何追信如斯言固斯民日用常行之道亦吾儒身心性命之學也心合於神神合於天以質天星實符文昌將相理文賞罰之理則茲文昌政禮文之當祀者非諂也今天下車書一統遵志乘制典以修誌祀則四

民之奉事謹而尤重於士人也春秋俎豆神明盼饗繇是
 士食其德農服其業商賈行旅各至其所合四民兢兢勉
 勉日遷善而不知誰為之者孰非神靈之明貺耶易曰聖
 人以神道設教而天下服此之謂也工始於萬曆丁巳春
 三月越明年戊午春三月落成

魁星樓在府學南城上一在縣學東臺高數丈中空四達俗名

穿心樓採訪冊

名宦祠在府學

鄉賢祠在府學

忠義孝悌祠在府學東

節孝祠在府學東俱同上

按名宦等祠附見學宮各州縣同不備載

八蜡祠一在府治北舊志城隍廟西一在府城東門外嘉慶元年

建縣志

馬神廟在城隍廟西

舊志

火神廟在府治東嘉靖時建

壇廟祀典

國朝道光二十三年總督訥爾經額重修

府册

明高耀重修火神廟記略保定左衛巷有火神廟久矣余歸田時常過其門見廟貌狹隘廟前止有柵楹民多雜沓蹂躪之竊有慨于中曰細氓憤于火神之靈乎夫南方火也其帝炎帝其位朱明周武漢高皆以火惠王天下其大者以彰帝王出入造化之用其小者以濟民生饗殮日用之需其顯者以布陽赫發散之功其隱者以司閭閻禍福之柄故王侯祀之福在國家庶人祀之福在一身而慢之乎哉於是捐地重修之廟故一楹拓而為三環以門垣舊有五道神土地神則置巷西而獨立火神一位以全其尊於是廟始嚴肅而俗人不敢慢蹂躪矣又修房舍以居道士韓淨文俾司香火淨文督修葺之役實有勞焉時萬曆丁丑夏五月也抑余有說嘗考郡邑誌北方多祀火神南方多祀真武詎以北方水也故以火濟之南方火也故以水濟之斯以既濟之義乎夫濟不獨在水火也性亦有水火焉子產曰火烈民望而畏之水懦弱民狎而玩之寬則糾之以猛猛則濟之以寬寬猛相濟政是以成帝王得此以調天下吾人得此以調其性夫調其性而鬼神有不降祥者乎是余修廟意也書之為記

訥爾經額重修火神廟碑記

聖天子

光闡鴻猷成秩羣祀懷柔肅於典禮昭報偏於百神用

是天暨垂休億兆康乂矧茲明明赫赫正位南訛協德表

功允斯作對堯典崇敬致之義義易紀嚮明之象膺五行

之王氣纂三元之命厯爰自周漢唐宋以來壇兆有制祀

事孔明宗伯奉赤璋以告虔司樂奏朱明以侑爵舉凡牲

幣樂章與夫裸鬯禋燎之制大槪與郊祀上帝相等誠盛

典也保定為畿輔首郡炎帝神廟在城東左衛巷中舊傳

肇造於元代中葉有明嘉靖辛丑及萬厯甲午歲邑紳士

一再修之

國朝

自乾隆戊戌以迄今茲六十有五載經紳商等迭加繕

葺願限於基址之隘而終未極乎巍煥之觀也庚子季秋

余仰承

恩命

總制畿封莅任後敬蠲吉旦肅謁庭墀竊見堦除隘陝殿

宇庫陔慮無以肅馨香而伸奏假之忱也迺率同屬寮紳

士人等量力籌貲興工修葺率作於仲春之月落成於杪

秋之初按曩時舊址南北袤長一十六丈東西厓及五丈

今增購民房官地擴而充之南北增至二十三丈東西益

其三計寬一十九丈自正殿左右配殿以暨公廡月臺井

亭庖福之宇眠舊屋凡增建房六十一間有半唐塗坦直

棠桷翬飛丹堊采飾之屬炳炳麟麟備昭輪奐之崇模焉

夫有榭有閑則寢成孔安來格來饗斯百祿是荷繼自今

行見神之格思宏施庇佑靖懋攸之思普發育之恩繼照

四方文明以麗乎正吁茶萬物煦嫗而惠無疆俾寰萬以

丙泊然海隅日出之鄉咸荷嶰嶰羣歸燾覆於永永無極矣工既竣謹臚敘建制之始末書而刊諸石以諗來者道光二十三年十月

土地祠一在府署內

舊志

一在城隍廟東一在縣治西

縣志

倉神廟在府治西南

壇廟祀典

劉猛將軍廟在府治東南

雍正通志

龍王廟一在府城南門外一在府城西南十里元元祐六年蕭

德重修一在祝澤村名龍祠元張柔重修

元尚野有記縣志

龍母宮在府城北門外

舊志

明嘉靖四十二年建

國朝乾隆十四年總督那蘇圖重修廟內西南隅有八角井名

龍潭天旱不竭

壇廟祀典

風雨神廟在城隍廟西乾隆二十四年重修

同上

雷神廟在府城東門外

舊志

三皇廟在府治西明萬曆五年鄉耆劉育才募建舊志

國朝康熙四十年重修廟內有井即御史金毓峒殉節處採訪冊

三聖廟在府西門甕城縣志

金某重修三聖廟記略西郭甕城有三聖神祠棟宇頽圯
士民苑一仲等僉謀以重修來告余嘉其意因捐俸為闔
屬倡凡為室者三楹翼以抱厦繚以周垣既華既飾可妥
可侑是不可無記祠創始不知何代而三聖之顛末容或
有未盡悉者始臚列之以見非淫祠者比焉中座而鳳日
虬髯者為關聖帝君其忠義彌天壤功德在生民累朝崇
祀不可殫述雖家戶尸祝非過也其左右並列者以為神
勇將軍俗稱二郎姓趙舊隱於青城山隋煬帝知其賢起
為嘉州太守郡內有巨蛟為害春夏水漲漂沒傷民神大
怒率壯士持刃入水有頃其水盡赤神持蛟首奮波而出
其患遂息隋末棄官隱不知所終後蜀人見神於青霧中
感其德立廟灌江口唐太宗封以前號厥後封王封真君
見於載籍者頗著一為元壇元帥神在秦世避世終南山
精修至道功成奉上帝旨詔為神霄副帥又授正乙元壇
趙元帥永鎮龍虎山凡除瘟剪祟保病禳災元帥之功莫
大焉此其大概也或曰二神之於保郡無與也何祀焉予
曰固也祀典所載凡有捍大患禦大災者皆祀之二神之
威靈在天下如水之在地中無所往而不在者保郡之人

以事關聖之心事之則廿城生聚皆在明神呵獲中矣而必曰宜龍虎山灌江口而不宜於保郡也得無類膠柱刻舟者也雖然猶有說焉凡我庶邦有眾苟能心神之心上焉本仁祖義以致君澤民下焉蹈忠蹈信以入孝出悌即無溪毛之薦豆登之饗神猶歆也反是而背道而傷義利己損人其為蛟與崇也大矣雖肥腩咸備珪璧具陳神將吐之又何邀福之能為以其

東嶽廟在府城東北隅唐貞觀時建宋元符二年重修壇廟元

至正十年總管王仲重建舊志明成化嘉靖萬曆時屢有增修廟

內東北隅為斗母閣東南隅為財神廟壇廟

明左景陽創建東嶽正殿簷厦記略郡城東北隅舊有東嶽神祠殿宇壯麗塑像莊嚴其護庇一方保釐羣庶有足徵者世傳歷唐宋經金元而及我朝千餘百年矣基址規模廊廡喬木不為風飄少損非維嶽降神能如是乎前輩鄉耆幾番重修續增聖母二殿東西二司及火神河神二堂惟正殿高阜明廠促近風日塵囂易凌非幽靜安神之廟貌也鄉耆李公堯臣等糾郡中善士明誠共濟樂捐己資鳩工儼材輻輳蜂屯仍築靈臺三級創大厦三楹螿砌整齊丹彩輝煌庶足以慰神明便修祝據其經始落成僅終半載時嘉靖丁巳歲也第恐久而湮沒遂徵文刻石用

垂不朽若夫世遠重葺充廓大之規立經久之業尤有望於好善之君子是為記

北嶽廟在府城北關明永樂間知府施景昭建

舊志

天順二年知

縣吳宗慶宏治六年知縣楊敏各重修

明楊廷用有記縣志

國朝乾隆六十年重修

據碑記補

梁肯堂重修北嶽廟記略保定北嶽廟明永樂中知府施景昭建天順中知縣吳宗慶楊敏各重修有碑記余過郡之北刻廟臨大道為入都通衢年來風雨剝蝕漸即傾圮望其宇而巍然者頽矣捫其碣而屹然者斷矣為怒然不安者久之方今

聖天子愷澤覃敷神府游至凡有功于民者飭有司歲時致祭况北嶽為一方重鎮羣山拱視萬姓具瞻葺之尤宜亟亟也乃與諸僚屬籌所以重修者公捐廉俸鳩工庀材自乙卯正月經始迄七月歲事計費若干鄭方伯寔董其役廟宇莊嚴神威赫濯士民共忭香火為緣亦云盛矣山高為嶽非以飾遊觀也要使省會之地神所憑依庶官斯土者並兢兢於夙夜云乾隆六十年七月立石

武成王廟在府治西舊名旗纛廟

舊志

明萬曆三十年大甯都司

張萬紀建

國朝康熙三十八年巡撫于成龍重修

壇廟 祀典

廉將軍廟在府城西十里廉梁村祀趙將廉頗

同上

郭隗祠在府城西關外金臺驛

縣志

小聖廟在府城南門外龍王廟東祀河神

壇廟 祀典

按雍正通志神姓蕭名伯軒宋之新淦人明封水府靈通廣濟顯應英佑侯俗稱小神廟

劉河間廟在府城東上闡祀金劉完素

舊志

同治十三年提督唐

立業倡捐重修

採訪 冊

吳煥彩重修劉守真君廟碑記省城東南隅相距三里許上闡之地舊有劉守真君廟前明迄今靈應昭著神方聖藥百病回春彼都人士敬信維謹蓋卽十大明醫中之高尚先生劉河間也廟中舊有碑記略而勿詳惟所云原病式一書考其名曰係金時劉完素先生所著先生諱完素字守真河間人遇陳希夷服以仙酒著素問元機原病式一卷以素問至真要論所列病機十九條演爲二百七十七字而逐條辨論以申之其大旨多主於火又著宣明方論十五卷大旨本素問及金匱要略用藥多主寒涼蓋因北方地氣而施藥石鍼砭精微元妙信今傳後功效如神

前明洪武間勅賜曰金靈聖醫乾隆三十九年修四庫全書兩書均蒙

睿鑒

收入子部醫家類益信其斯道功深實有功於後世三月

十五日為真君誕辰俗尚廟會演劇酬神信女善男爭相

祈禱香火之盛繚繞雲煙蓋其精誠感應數百年後猶若

有靈爽式憑者宜其俎豆馨香永遠勿替也同治九年爵

憲李合肥相國總制直隸廬江唐君立業隨統帥葉軍門

駐軍於此時廟就傾圮同人捐廉修葺廟貌一新十二年

五月不戒於火舊時規制蕩然無存斷碣殘碑荒煙蔓草

撫今追昔觸目驚心立業首倡捐資復與各董事於闔邑

官紳同城商庶募化捐輸鳩工重建十三年正月經始四

月落成一以體前人勸造之意一以慰後人敬信之心爰

勒碑石謹

告來茲

二賢祠在府學西元劉因郝經講道保定後人立祠祀之清一大

統志

王文成公祠在貢院街北康熙二十一年郡人魏一鰲建雍正通志

祀明新建伯王守仁祠內階左有文成大書七言截句一首石

刻探訪冊

湯斌創建陽明王先生祠記略康熙壬戌保郡陽明王先生祠告成乃魏君蓮陸糾合董守憲子丹吳巡憲北海紀太守伯禹方縣尹秋潭暨各州縣捐俸不等而創建之者也丙寅春余自江蘇北上過保定蓮陸告余曰僕弱冠時卽聞陽明先生良知之學於鹿江村孫徵君二先生服膺不失今四十餘年矣欲構數椽爲先生香火地而未能也一日與董守憲欣然有同心因與巡憲諸公謀協力共建並將僕所存先生眞筆二幅勒碑豎之祠內而保郡貢院東隅遂巍稱鉅觀矣是不可無記余聞之喟然嘆曰陽明無善無惡久成聚訟不知其無善無惡乃言心之體非言性之體也心體當孩提之初知識未生或夜氣清明之候思慮未入渾渾淪淪有何善惡之可言是卽喜怒哀樂之未發人生而靜以上不容說之意也學者讀先賢書當善會其意可耳或曰陽明未遊宦於斯何以祠爲余曰聖賢之精神無處不在我輩沐其教澤亦無地不當香火今曲阜解州廟貌遍天下亦曾遊宦於天下否乎或人語塞余與蓮陸同學傳習錄淵源而來得有見於良知二字接見知聞知之統故尊其人以建祠且纂輯其年譜兵機爲捷錄以便簡約示人其有功於後學不淺矣是爲記

楊忠愍公祠舊名旌忠祠祀明楊繼盛一在府城金線胡同明

隆慶二年建

國朝順治十三年

御製文二篇立碑祠內祠外有坊曰表忠一在府城西關外萬

歷二十九年建

國朝康熙十年重修

孫奇逢有記 舊志

明李春芳旌忠祠記略隆慶二年巡撫直隸監察御史臣郝傑言臣所部保定府故贈太常寺少卿楊繼盛產地也其吏民為請立祠哀死勸生以昭永禛謹奏闕下候可上從之賜祠曰旌忠於是保定府賈君淇繙閱故牘得前都御史曹公享副使曹君金何君東序捐公羨為墓祠未竟事有金若干因四倍之卜地城西門庀材鳩工埏埴繩鋸中三楹以居公像而兩亭其旁刻公所為二疏者翼廡重門璧而環之軒之肅之道路流涕於是確石為碑以詞屬予予與公同舉進士而心高其義為之碑曰公諱繼盛字仲芳少時家貧嘗為兄飯牛然性嗜學不辭勤苦以就其業嘉靖丁未舉進士授南京吏部主事地閒務簡遂以其餘力問典章於鄭公曉論樂於韓公邦奇講聖賢之道於大儒先生已遷兵部員外郎當是時敵薄都城方肆去而咸寧侯仇鸞驟貴用是兵政屬焉鸞欲通馬市以羈之公乃抗疏論其十不可五謬大指謂馬市者和議之別名也非國家所以內自完而讐服狡彘之道也其弊至於廢邊